

# Auaunaga lapisi tia'i ma lapisi e toe faaaogā Lower Hutt

**E mafai ona  
matou fesoasoani  
e faaitiitia au  
lapisi!**



**HUTT CITY**  
TE AWA KAIRANGI

**TOO  
GOOD  
TO  
WASTE**  
Maimoatia Kei Moumou

# Lau kalone lapisi

O le kalone tapuni mūmū, na o lapisi e tia'i e tuu ai.

## ✓ IOE

- Lapisi masani - o lona uiga soo se lapisi e lē mafai ona toe faaaogā

## ✗ LEAI

- Lefulefu vevela po o vai vevela
- Lapisi matautia e pei o maauila lapopoa ma fagu kesi



E ta'i  
va'aso ma  
ao ese

**Fautuaga:** E te lē o iloa le faiga e tia'i ai se mea po o auala e toe faaaogā ai lapisi? Tagai i le [toogoodtowaste.nz](http://toogoodtowaste.nz) pe faafesootai matou.

**Fautuaga:** Faaaogā tapuni o au kalone e tusi ai lou tuatusi i se peni e lē mafai ona toe tapē ese.



## Na e iloa?

A tia'i otaota laulaau i nofoaga e lafoai ai lapisi, o le a tupu ai kasa e velasia ai le osone e ta'ua o le methane ma e sili atu ona malosai nai lo le carbon dioxide. E mafai ona e faapala pe faaaogā la matou auaunaga e ao ese ai otaota laulaau, nai lo le tia'i i le kalone tapuni mūmū.

# Lau kalone lapisi e toe faaaogā

O le kalone tapuni samasama, na o lapisi e toe faaaogā e tia'i ai.

## ✓ IOE

- Pepa ma pepa malō
- Apa ma atigiapa
- O container uga o faailoga ai le:



E masani ona tusi i le pito i lalo o se mea.

**Manatua:** Fufulu containers ma faamafolafola pe ta'oti pepa malō ia ofi lelei i lau kalone samasama.

## X LEAI

- Tioata
- Mauuila
- Napekini
- Pepa e tuu ai vaiinu / Tetrapak
- Polystyrene, hanger tautau lavalava ma meataalo
- Uga vaivai, pepa iila e ufiufi ai meaa

E ao ese i vaiaso o le lapisi lanu samasama



## Na e iloa?

E faaleagaina uma lapisi e mafai ona toe faaaogā, pe afai e lē o sa'o le kalone e tia'i ai lapisi, o lona uiga o le a lafoai le uta atoa a le loli lapisi i le nofoaga e lafoai ai lapisi. O le mea lea e moomia ai ona tatou mautinoa e tia'i na o lapisi i le kalone tapuni samasama e te iloa e lelei mo le toe faaaogā.

# Lau tamai pusa mo tioata e toe faaaogā

O le pusa lanu moana e leai se tapuni, na o tioata e tia'i ai.

## ✓ IOE

- Fagu tioata augutu lauiti
- Fagu tioata augutu lautele

**Manatua:** Vai mamā fagu augutu lauiti ma fagu augutu lautele e mautinoa ai ua mamā lelei.

## X LEAI

- Tapuni
- Ipu 'ai ma Ipu mata'eta'e
- Tioata ta'ei
- Matāuila
- Tioata o fāata po o faamalama

**Fautuaga:** O le lapisi i le tasi tagata ae o le auro lea i le isi. Faitau faasilasilaga o tusia i laupapa ma fesootaiga televavave e te iloa ai faasao mea e mafai ona toe faaaogā mai le tia'i i nofoaga e lafoai ai lapisi.

E ao ese i vaiaso o le lapisi lanu moana



## Na e iloa?

E ave tioata i le VISY i Aukilani, e toe faavasega ai i lanu, ma toe gaosi ai i fagu tioata fou augutu lauiti ma fagu augutu lautele.

# Lau kalone lapisi otaota laulaau (togalaau)

Atonu ua e filifilia le kalone 240L e tapuni lanu meamata. Na o otaota laulaau e tia'i i le kalone lanu meamata



## IOE

- Vao
- Fasi laau



## LEAI

- Lapisi
- Simā po o maa
- Napekini
- Toega meaai

**Fautuaga:** Afai e leai sau kalone mo otaota laulaau po o tele se otaota laulaau, e mafai ona e aveia i le nofoaga e lafoai ai lapisi i Silverstream.

E ta'i fa  
vaiaso ma  
ao ese



## Na e iloa?

E aogā tele kalone lapisi mo otaota faapala ma anufe mo lau togalaau. E leai se afaina o le tia'i o toe 'aiga i ituaiga kalone nei. O nai fautuaga i faiga e faaitiitia ai toe 'aiga ma sefe ai tupe, tagai i le [lovefoodhatewaste.co.nz](http://lovefoodhatewaste.co.nz)

# Toso i luma au kalone

## O le taimi e toso ai i luma au kalone

Faamolemole tagai i le [toogoodtowaste.nz](http://toogoodtowaste.nz) ma fai se kopi o le kalena o lapisi e ao ese mai lou fale.

E eseese kalone e toso i luma ma e fua lava i le faiga po o le vaiaso samasama po o le vaiaso lanu moana.

E le gata i lea, afai ua e manao e fai sau lapisi mo otaota laulaau, e ese le kalena mo le aso e ao ese ai otaota laulaau.

**Afai o lena faatoa maua atu au kalone fou, vaai le pepa o faapipii i autafa o le kalone e te iloa ai le aso e ao ese ai.**



## Vaiaso Samasama

Toso i luma kalone tapuni samasama ma le mūmū.



## Vaiaso Lanu Moana

Toso i luma le pusa lanu moana ma le kalone mūmū.

## O le taimi o le aso e toso ai au kalone lapisi i fafo

E tatau ona faatū kalone i luma mai o le auala a o lei ta le 6am i le aso e ao ai lau lapisi, po o le toso i luma i le po a o loma le taeao e ao ai.

Faamolemole manatua e toe toso kalone i tua o lou fale i le afiafi o le aso na ao ese ai.

## Faiga e toso ai kalone lapisi i fafo

Faamolemole lave tapuni o kalone e faamau lelei ai. A lē mafai ona tapuni lelei, o lona uiga ua tumu tele ma e ono lē mafai ona sasaa ese. Afai e tupu le tulaga lea, aveese nisi mea mai le kalone ma toe faatali mo le isi aso e ao ese ai le lapisi.

Faamolemole faalatalata lelei au kalone i le pito e gata ai le auala ma faasaga lelei le faailoga a le Pulega i le auala, ma faavāvā kalone taitasi pe ā ma le 'afa mita, e mafai ai ona sisi i luga e le loli lapisi le kalone. Faatū le pusa mo tioata i autafa o (le) kalone.

Emafai ona tatou galulue faatasi e mautinoa e lē o poloka e kalone lapisi auala savali po o auala taavale i le fale - matou te mananao ia mafai e tagata uma ona feoai lelei.

## Flats, auala taavale e faaogā faatasi ma auala e gata.

Afai e leai se avanoa i fafo o lou fale e tuu ai le kalone, talanoa i ou tuaoi – tou te soalaupule faatasi ai se mea e saogalemu ona faatū ai kalone e fia ao ese.

O lona uiga o le a faataatia lapisi a nisi o tuaoi i luma o le fale o isi tuaoi i le aso e ao ese ai lapisi.

# Auala e tia'i ai isi mea



## **Pusa'aisa:**

Ave i le nofoaga e lafoai ai lapisi i Silverstream, e ono togoti se tupe. Afai e te fia sua se mea, e ono mafai e le faleoloa na faatau atu ai ona ave lau masini tuai.



## **Suauu:**

Tia'i lapisi o le fale e aunoa ma se tupe e togoti i le nofoaga e lafoai ai lapisi i Silverstream.

**Manatua: Aua le sasaaina suauu i alavai.**



## **Vali ma Vailaau Oona:**

Toe ave vali ua totoe i le Resene po o le Dulux. E ono iai se tupe e togoti mo isi ituaiga, po o le tia'i lapisi o le fale e aunoa ma se tupe e togoti i le nofoaga e lafoai ai lapisi i Silverstream.

**Manatua: Aua le sasaaina suauu ma vailaau oona i alavai.**



## **Vailaau e faaaogā i togalaau ma le fale:**

Tia'i lapisi o le fale e aunoa ma se tupe e togoti i le nofoaga e lafoai ai lapisi i Silverstream.

**Manatua: Aua le sasaaina vailaau e faaaogā i togalaau/fale i alavai.**



## **Lapisi masini faatekonolosi:**

E mafai ona ave lapisi o komepiuta, tablets, monitors, mea e faaaogā i komepiuta, printer ma meapueata i faleoloa o faia ai le TechCollect.



## **Maa taavale ma maa o le ituaiga o le lithium-ion:**

Tia'i lapisi o le fale e aunoa ma se tupe e togoti i le nofoaga e lafoai ai lapisi i Silverstream.



## **Fagu kesi:**

Tia'i lapisi o le fale e aunoa ma se tupe e togoti i le nofoaga e lafoai ai lapisi i Silverstream.



## **Fualaau, mea maai, nila ma EpiPen:**

Ave i le faletalavai o lata ane e tia'i lelei ai.



## **Meafale e mafai ona toe faaaogā ma mea teu fale:**

Ave i le Earthlink i le 25 Peterkin Street, Wingate, po o faleoloa e faatau ai oloa faameaalofa i ai tagata.

**Faamolemole vaai muamua tulaga nei pe talia e faleoloa e faatau ai oloa faameaalofa ma e aua le tia'i soo se mea i luma o faleoloa nei.**

## Moomia se fesoasoani e toso ai i fafo au kalone lapisi?

Afai e lē mafai ona e tosoa i luma lau lapisi e toe faaaogā ma isi lapisi e ao ese talu ai se faaletonu i le malosi pe faafaigata ona gaiou, ma e leai ma se tasi e mafai ona fesoasoani ia te oe, e mafai ona matou fesoasoani atu.

Faamolemole faafesootai matou i le **04 570 6666** po o le imeli **contact@huttcity.govt.nz** tatou te talanoa ai i se faiga e mautinoa ai le ao ese o lau lapisi.

## Poto e faavasega lapisi

E lē o taimi uma e sa’o lelei ai faiga e toe faaaogā ai lapisi ma faaititia otaota i nofoaga e lafoai ai lapisi, ma ua matou faataatia ni faiga e mafai ai ona vave le faatinoga o galuega.

E aofia ai meapueata i totonu o loli e siaki ai po o sa’o kalone na tia’i ai lapisi e mafai ona toe faaaogā ma lapisi mo otaota laulau. O le a faapipii e le tagata o loo siakiina lapisi se pepa i lau kalone e te poto ai e faavasega lapisi.

Afai e te mauaina se pepa **Lanu Meamata**, o lena na sa’o uma mea na tia’i i le kalone – malo lava!

Afai e te vaai se pepa **Lanu Moli**, e iai mea sa lē tatau ona tia’i i le kalone lea. Faamolemole mo le isi taimi, toe siaki po o sa’o le kalone o tia’i ai lapisi.

Afai e te maua se pepa **Lanu Mūmū**, o lona uiga e lei faavasegaina le tele o le lapisi ma e ono lē aoina ese ai. Afai e tupu le tulaga lea, aveese mea e lē tatau ona iai ma toe toso i fafo le kalone mo le isi aso e toe ao ese ai.

Afai ua uma ona faavasega lapisi uma ma e lei aoina ese lau kalone, tagai i le **toogoodtowaste.nz**, vili le **04 570 6666** pe imeli le **contact@huttcity.govt.nz** e lipotia i ai se lapisi ua misi ona ao ese.

# MAIMŌATIA KEI MOUMOU

Too good to waste

E mafai foi ona maua le tusi lenei pe a e tago e fai se kopi i le:

- English
- Te Reo Māori
- हिंदी
- 繁體中文
- 简体中文

Tagai i le **toogoodtowaste.nz**



TELEFONI: **04 570 6666**

IMELI: **contact@huttcity.govt.nz**

**toogoodtowaste.nz**

**HUTT CITY**  
TE AWA KAIRANGI